



**პროფესიული საგანმანათლებლო პროგრამის სახელწოდება:**  
**საბაჟო წარმომადგენელი (სასაქონლო ოპერაციების სპეციალისტი)**

**მისანიჭებელი კვალიფიკაცია:** საბაჟო წარმომადგენლის (სასაქონლო ოპერაციების სპეციალისტის) III საფეხურის პროფესიული კვალიფიკაცია

**პროფესიული განათლების საფეხური:** III საფეხური

**პროგრამის მოცულობა:** 60 კრედიტი (1500 საათი), აქედან (60%) - 36 კრედიტი (900 საათი) ეთმობა თეორიულ კომპონენტს, ხოლო (40%) 24 კრედიტი (600 საათი) - პრაქტიკას.

**პროგრამის ხანგრძლივობა:** 39 კვირა

**პროგრამაზე მიღების წინაპირობა:** კანონმდებლობით დადგენილი წესის თანახმად - ზოგადი განათლების საბაზო საფეხური, პირის 16 წლის ასაკის შესრულება, კონკურსის შემთხვევაში უპირატესობა ენიჭებათ აპლიკანტებს, რომელთაც აქვთ მაღალი შეფასება მათემატიკაში.

**დამატებითი მოთხოვნები** - პროფესიული საქმიანობის განხორციელებისას საბაჟო წარმომადგენელს (სასაქონლო ოპერაციების სპეციალისტს) ენიჭება წარმომადგენლობითი უფლებამოსილება სხვა ფიზიკური ან იურიდიული პირის სახელით.

**პროგრამის მიზანი** – საბაჟო წარმომადგენლის (სასაქონლო ოპერაციების სპეციალისტი) III საფეხურის პროფესიული პროგრამის მიზანია შეიძინოს სტუდენტმა თეორიული ცოდნა საბაჟო წარმომადგენლის (სასაქონლო ოპერაციების სპეციალისტი) სფეროში და გამოიმუშაოს პრაქტიკული უნარ-ჩვევები, რომელსაც გამოიყენებს პრაქტიკულ საქმიანობაში. სტუდენტი შეიძენს ცოდნასასაქონლო სახეებისა და მათი გამოყენების სპეციფიკის შესახებ, სწავლის პერიოდში გაეცნობა სასაქონლო დეკლარაციებს და დეკლარაციების ფორმებს, სასაქონლო ოპერაციების განხორციელებისას გამოყენებულ სავაჭრო, სატრანსპორტო და სხვა დოკუმენტაციის სახეებს, სატარიფო ღირებულების განსაზღვრის მეთოდებს, ეროვნული სასაქონლო ნომენკლატურის სტრუქტურას და მისი გამოყენების მთავარ პრინციპებს.

**სწავლის შედეგი**

<p><b>ცოდნა და გაცნობიერება</b></p>	<p>კურსდამთავრებულს აქვს საბაჟო დეკლარირების სფეროსათვის დამახასიათებელი ძირითადი ფაქტების, პრინციპების, პროცესებისა და ზოგადი კონცეფციების ცოდნა, აცნობიერებს გართულებული ამოცანების</p>
-------------------------------------	---

	<p>შესასრულებლად აუცილებელ ნაბიჯებს. იცის სასაქონლო ოპერაციების სახეები და მათი გამოყენების სპეციფიკა. იცნობს სასაქონლო დეკლარაციებს და დეკლარაციების ფორმებს, სასაქონლო ოპერაციების განხორციელებისას გამოყენებულ სავაჭრო, სატრანსპორტო და სხვა დოკუმენტაციის სახეებს, სატარიფო ღირებულების განსაზღვრის მეთოდებს, ინტეგრირებულ ტარიფს, ეროვნული სასაქონლო ნომენკლატურის სტრუქტურას და მისი გამოყენების მთავარ პრინციპებს.</p>
<p><b>ცოდნის პრაქტიკაში გამოყენების უნარი</b></p>	<p>კურსდამთავრებულს შეუძლია გამოიყენოს საბაჟო დეკლარირების სფეროს სპეციფიკისათვის დამახასიათებელი უნარების ფართო სპექტრი, შეაფასოს დავალებების შესასრულებლად სხვადასხვა მიდგომები, სათანადო მეთოდები, ინსტრუმენტები. შეუძლია წარმომადგენლობითი უფლებამოსილების წარმოშობის მიზნით სათანადო დოკუმენტაციის, სტანდარტული სავაჭრო დოკუმენტების შედგენა (კონტრაქტი, ინვოისი და სხვ.), სატარიფო ღირებულების, საჭირო ლიცენზიების, ნებართვებისა და სერტიფიკატების განსაზღვრა, სასაქონლო ნომენკლატურის კოდის განსაზღვრა, კონკრეტული საქონლისა და სასაქონლო ოპერაციების მიხედვით გადასახადის სახეობებისა და განაკვეთების განსაზღვრა.</p>
<p><b>დასკვნის უნარი</b></p>	<p>შეუძლია განსხვავებულ სიტუაციებში წამოჭრილი პრობლემების გადასაჭრელად ინფორმაციის ცნობილი წყაროებით სარგებლობა, მათი შეფასება და ანალიზი. შეუძლია კლიენტის მიერ წარმოდგენილი დოკუმენტაციიდან ინფორმაციის მიღება და გადამუშავება, მონაცემების გადამუშავების პროცესში უზუსტობის აღმოჩენა, უზუსტობის გამომწვევი მიზეზების გამოკვლევა, მის ხელთ არსებული წყაროებიდან დამატებითი ინფორმაციის მოძიება და ანალიზი, მომხმარებელთა საჭიროების გააზრება.</p>
<p><b>კომუნიკაციის უნარი</b></p>	<p>შეუძლია ზეპირი და წერილობითი კომუნიკაცია პროფესიასთან დაკავშირებულ საკითხებზე განსხვავებულ სიტუაციაში. ეფექტიანად იყენებს პროფესიულ საქმიანობასთან დაკავშირებულ საინფორმაციო და საკომუნიკაციო ტექნოლოგიებს, შეუძლია უცხო ენის პრაქტიკული გამოყენება. შეუძლია საქმიანი სფეროსათვის დამახასიათებელი ძირითადი დოკუმენტაციის შედგენა ან არსებული შაბლონების სწორად შევსება, კორესპონდენციისა და დოკუმენტაციის გაგზავნა/მიღება თანამედროვე კომუნიკაციის ადეკვატური საშუალებებით, საგარეო ვაჭრობის საერთაშორისო ენაზე შესრულებული დოკუმენტებიდან საჭირო ინფორმაციის მიღება MS Windows, MS Word, MS Excel-ის, ინტერნეტის გამოყენება, საჭიროების შემთხვევაში, მომხმარებელთან კომუნიკაცია ინგლისურ ენაზე.</p>
<p><b>სწავლის უნარი</b></p>	<p>შეუძლია წინასწარ განსაზღვრული ამოცანების ფარგლებში საკუთარ სწავლაზე პასუხისმგებლობის აღება. შეუძლია სასაქონლო ოპერაციების მარეგულიერებელ ძირითად აქტებში განხორციელებული ცვლილებების დამოუკიდებლად გაგება წინასწარი მითითებით.</p>

<b>ღირებულებები</b>	განსხვავებულ სიტუაციებში მოქმედებს პროფესიული საქმიანობისათვის დამახასიათებელი ღირებულებების შესაბამისად. მოქმედებს საბაჟო წარმომადგენლის (სასაქონლო ოპერაციების სპეციალისტის) პროფესიული ღირებულებების შესაბამისად, კერძოდ, მიუხედავად გარემოებებისა, იცავს ინფორმაციის კონფიდენციალურობას, შრომის უსაფრთხოების წესებს, ეთიკურ ნორმებს.
---------------------	--

**დასაქმების სფეროები** – მესამე საფეხურის კვალიფიკაციის მქონე პირს შეუძლია სწავლა გააგრძელოს მეოთხე საფეხურის პროგრამაზე კანონმდებლობით დადგენილი წესის თანახმად.